

23 JAN 1996

PERDANA MENTERI MENGADAKAN JAMUAN BERBUKA PUASA DI SERI PEDANA

KUALA LUMPUR, 23 Jan (Bernama) -- Perdana Menteri Datuk Seri Dr Mahathir Mohamad malam ini mengadakan majlis berbuka puasa di kediamannya di Sri Perdana.

Yang turut hadir Timbalan Perdana Menteri, Datuk Seri Anwar Ibrahim.

Menteri Kabinet yang turut hadir ialah Menteri Penerangan, Datuk Mohamed Rahmat, Menteri Pendidikan, Datuk Seri Najib Tun Razak, Menteri di Jabatan Perdana Menteri, Datuk Abang Abu Bakar Mustapha, Menteri Pertahanan, Datuk Hamid Albar, Menteri Kebudayaan, Kesenian dan Pelancongan, Datuk Sabbaruddin Chik dan Menteri Pertanian, Datuk Amar Dr Sulaiman Daud.

Majlis itu juga dihadiri oleh beberapa timbalan menteri, setiausaha parlimen, pegawai-pegawai kanan kerajaan dan tokoh-tokoh korporat.

Para hadirin yang disertai isteri masing-masing kemudian bersembahyang Maghrib berjemaah. -- Bernama